

UN POCO DI TUR COS

Jossy M. Mansur

Papiando di e volcan Krakatoa, dia cu esaki a explota (27 di Augustus 1883), e explosion a ser scucha te 4,700 kilometer leu. Na Australia, agricultornan a scuche desde Perth te Alice Springs, y ventanan di glas a sacudi na Singapore, situa na mas di 800 kilometer di distancia!

Bo tabata sa cu Venus ta envolvi den nubianan henter compuesto di acido sulfurico? E acido ey ta mas fuerte cu e acido presente den baterianan di auto.

Lamennais: "Consenshi ta un santuario sagrado den cual solamente Dios por drenta como Juez".

Aunque ratonnan di anochi no por mira bon, no tene miedo cu nan por dal contra bo ora cu nan ta bula rond di bo. Ratonnan di anochi semper ta evita cualquier obstaculo den nan caminda.

Bo sa cu e proceso cu matanan ta usa pa traha nan cuminda ta fotosintesis? Esey ta e proceso den cual matanan ta usa luz di solo pa produci nan cumindanan. Pesev matanan berde no por crece dentro di cuevanan, ya cu no tin suficiente luz pa fotosintesis tuma lugar.

Hazlitt: "Silencio ta un di e artenan mas grandi di conversacion".

Solamente 7 unidad cientifico basico ta existi: esnan cu ta midi largura, masa, tempo, coriente electrico, temperatura, luz y cantidad di substancia. Tur otro unidad cientifico ta un of mas combinacion di e unidadnan basico aki.

Bo tabata sa cu na aña 1983 e probeta di espacio Americano "Pioneer 10" a bira e prome vehiculo aereo pa sali di e sistema solar y bay den direccion di e streynanan?

Bovee: "Un bon discrecion no ta consisti den no comete eror sino den no bolbe comete nan".

E estructura mas grandi na mundo ta e Gran Muraya di China. Traha durante e añanan 200 Prome cu Cristo, e tabata tin un largura original di 10,000 kilometer (6,200 milla).

Bo sa ta cual evento Francia ta celebra ariba dia 14 di Juli? E caida di Bastille.

E glas mas bieu conoci a ser traha na Egipto mas of menos 4400 aña pasa, den forma di cuenta.

Zangwill: "Egoismo ta e unico forma real di ateismo; aspiracion noble y desinteres ta constitui e mihor religion di mundo".

E incidente cu a duna comienzo na Prome Guerra Mundial tabata e asesinato di e Archiduque Franz Ferdinand, di Austria, na Sarajevo (awe situa den Yugoslavia), ariba dia 28 di Juni 1914.

14 Inversionista local y Air Holland a cumpra tur e accionnan di Air Aruba

Air Aruba a worde bendi pa 1.4 Miyon Florin

ORANJESTAD(AAN) -- Ayera atardi den sala di Consejo di Ministro e traspaso di accionnan di Air Aruba a tuma lugar. Tur e accionnan cu e unico inversionista di Air Aruba esta Gobierno a worde traspasa pa 15 inversionista.

Na e ocasion aki tabata presente Ministronan Bermudez, Booi y Engelbrecht hunto cu notario Smith y e inversionistanan.

E inversionistanan ta: Mansur Handelsmij. N.V., Meta N.V., Arhavi Investments N.V., Air Holland N.V., Harms Brothers N.V., R.D.M.Holding Company N.V., M.J.Mansur, Jolly Holding Aruba N.V., S.Liechtensztajn, Auto Unie Aruba N.V., Maduro Curiel's Holding N.V., M.Tauber, Interbank Aruba N.V. y Aruba Bank.

En total ta trata aki di 15 inversionistanan kendenan despues di algun luna di deliberacion cu gobierno a

monstra cu nan ta dispuesto pa cumpra e accionnan pa asina eherce e segundo fase di Air Aruba.

Ta trata aki di e fase di operacion esta cu Air Aruba lo eherce vuelonan for, pa y via Aruba.

Segun Ministro Bermudez Gobierno ta mira ehecurion di e segundo fase di Air Aruba na bienestar di Aruba.

Ministro Bermudez a bisa cu desde comienzo di Air Aruba Gobierno su punto di vista tabata cu nan lo no financia e operacion di e compania pasobra e situacion financiero di Aruba no ta acepta un actividad asina.

Tambe ta asina segun Ministro Bermudez, pa e operacion ta exitoso esaki mester tuma lugar completamente a base comercial y sin influencia politico. Esaki segun Ministro Bermudez ta pa evita loka ALM ta pasando aden.

Den e negociacionnan

Gobierno a bisa cu nan kier mira cierto condicionnan stipula den e statutanon.

Algun di e cambionan den e statutanon segun Ministro Bermudez ta:

Tur e accionnan semper mester ta ariba number;

Mayoría di e accionnan mester ta den man di personanan residencia na Aruba, of si ta compania ta participa mayoría di nan mester ta residencia na Aruba;

Gobierno lo haya un comisario den e junta di comisionan di Air Aruba. Esaki segun Ministro Bermudez ta pa Gobierno tin cierto vista ariba e desaroyo di e compania.

E stipulacionnan menciona no por cambia den futuro pa e accionistanan sin permiso di Gobierno;

E cuponan di trabao actual mester worde manteni;

E personal di Air Aruba ta

Sigui lesa pag. 9

HABRI BO DIA DI MAMA DEN BONAIRE CLUB BAILANDO Y CELEBRANDO

Fecha : 7 Mei, 1988
Hora : 9^{or} - 3^{or}
Musica : Musical Time y Papito y su Doble Sabor
Entrada: Afls. 10, =

BAR Y CUSHINA TA BON SURTI Y
DOORPRIZE Y REGALONAN PA "DIA DI MAMA"

= KAARCHI OBTENIBEL SERCA MIEMBRONAN DI PARTIDO =

INVITACION pa GRANDIOSO "FUNDRAISING B.B.Q." "Partido Patriotico Nobo" (P.P.N.)

Fecha: 29 april-1988.
Ora: 8.00 p.m.
Lugar: Bushiri Beach Hotel.
Doorprize: 2 Pasashi ida/vuelta Caracas.
Cu animacion di TIPICO CARIBE y EDDIE TEC,

Caarchinan ta obtenible serca tur miembro di partij raad e.o.
Eddy Werleman Tel: 28717-24296.
Dolfi Jansen Tel: 45698-24296.
Roland Croes Tel: 25324-33126.
Juancho Lampe Tel: 46322-23082

Prijs: Fls. 25,-

Na number di Comision organisador ROLAND CROES.